

吳文節公遺集

卷九之十三



10272

吳文節公遺集卷九目錄

奏議

覆奏體察挑夫船戶情形摺

礮位章程摺

籌備火藥片

減半開鑄變通搭放摺

收捐錢文請解南河片

甯都州屬匪徒加等治罪摺

吳文節公遺集卷九目錄



謝辭文請致南河札

題半開鑄變通搭放摺

籌備火藥片

減半開鑄摺

甯都州屬匪徒加等治罪摺

吳文節公遺集卷九目錄

吳文節公遺集卷九

男養原謹編

奏議

覆奏體察挑夫船戶情形摺

奏爲遵

旨體察廣信南安二府所屬挑夫船戶情形恭摺覆

奏仰祈

聖鑒事竊臣接准軍機大臣字寄欽奉

上諭御史黃贊湯奏江蘇浙閩港口分開一切客商勢必舍遠就近往福州上海甯波等處江廣兩省窮民無

吳文節公遺集

卷九

一

所藉以謀生必將聚而爲盜請飭設法防範等語江西廣東一帶船戶挑夫向以挑運客貨爲生若一旦失業難保不流爲賊盜著吳文鎔將該御史摺內所稱各情節悉心體察是否確有其事據實具奏等因欽此臣查江西爲南北通衢商貨絡繹將來港口旣分客貨較少此項船戶挑夫或多失業該御史所奏不爲無見臣先亦計慮及此是以上年冬間往南北兩鎮閱兵之便沿途體訪情形已知大概嗣欽奉

諭旨飭查卽經行司並專札廣信南安二府飭弔各行戶簿帳查核各該處每年往來客貨其關涉外夷買賣

貨物約有若干需夫船若干其無關外夷買賣止是內地各省貿遷貨物約有若干需夫船若干縷晰稟覆去後茲據該府等詳悉開摺稟由兩司核議彙詳前來臣悉心體察查廣信府所屬之玉山縣爲由江入浙過載馬頭凡自浙南來各貨係由浙省常山縣夫行雇夫挑運其廣東湖北等省暨江西省內地貨物運往浙中者如乾果錫蠟水油紙張藥材等爲大宗雜貨次之以擔計者每年不下三四十萬而由粵運浙專係外夷買賣者惟各種洋貨極多時亦不過四五千箱約計通夷貨物較之內地貿遷之貨僅數十分之一是以玉山一縣

吳文節公遺集

卷九

二

每日需夫數百名多或千名全靠內地自相貿遷之貨卽將來夷港分開而該處傭趁腳夫可以不致失業又廣信府所屬之鉛山縣爲由閩入江過載馬頭平時煙葉暨零星貨物需夫無幾惟閩中茶市開時需夫較多然每年只在夏秋數月有市屆時多係附近鄉夫趕趁覓利市過卽各散歸農是鉛山一處如將來夷港分開閩中之茶葉稀來卽此間之鄉夫罕至本非常聚當可不慮其難散此廣信府屬玉山鉛山二縣之實在情形也又南安府屬之大庾縣爲由江入粵過載馬頭凡自粵北來各貨係由粵省南雄州夫行雇夫挑運其由江

省運往廣東內地銷售各貨如綢緞梭布義器藥材綿  
酒之類每年亦不下數十萬擔均無關於夷港之分否  
若專涉夷務之湖絲其爲物價值貴而斤兩少需夫亦  
不甚多惟茶葉一項多時至一二十萬擔合較各貨計  
用夫三分之一將來閩浙分港茶販減少誠恐挑夫不  
無失業惟查大庾挑夫本地之人居其半吉安贛州及  
廣東南雄之人居其半設有行戶有夫頭有保家凡客  
商貨物到棧行戶代爲雇夫給價寫票送至某處交卸  
並不派人押送從無失事緣該挑夫等多係來歷明白  
安分良民保家方肯擔保行戶方肯雇用貨多時並有

吳文節公遺集

卷九

三

近村健婦幫同挑運稱爲女夫是此項挑夫非盡不逞  
游民也如將來客貨較少其外府外縣者自可散歸其  
本地有業者可另爲謀生其專藉挑運餬口者尙有別  
項客貨可挑不至全行失業溯查道光二十二十一等  
年暎夷在粵滋擾茶販及各貨赴粵者較少致贛關額  
課均有短絀而此等人夫並未有失業滋事之處此南  
安府大庾縣之實在情形也至各處船戶亦均設有船  
行有保家層層防範且船戶以船爲業其船之大者值  
數百千文小者亦值百餘千文皆係出本謀生之人卽  
使夷港分開客貨略少而內地之貿遷商旅之運載往

來不絕營趁有資似不至因此而失業爲匪也再據該府等稟稱現在各處客商貨物絡繹往來較前尙無減少該腳夫等均相安如舊等語臣思此項挑夫入等皆係傭力良民現既各安生理似未便逆億其恐爲盜賊先事張皇轉滋紛擾臣惟有督飭地方官隨時稽察加意慎防倘將來實係貨少人多自應設法安頓其外來及有田地者諭令別圖生計其無業者責成行戶夫頭妥爲均勻搭雇其強梁藉端生事者查拏究懲總期良民有以資生匪徒不致滋事以仰副

皇上防患安民之至意所有遵

吳文節公遺集

卷九

四

旨體察廣信南安二府挑夫船戶情形理合據實恭摺覆

奏伏乞

皇上聖鑒謹

奏道光二十三年二月初十日奏奉

硃批另有旨欽此

礮位章程摺

奏爲新鑄礮位現在妥爲收貯並擬每年輪演章程恭摺覆

奏仰祈

聖鑒事竊臣接准軍機大臣字寄欽奉

上諭吳文鎔奏江西省添鑄礮位工竣並督辦道員捐輸經費一摺已有旨准其捐辦矣此項新鑄礮位雖經委員親赴江干逐加演放現在分撥何處如何安置原奏未經聲敘著該撫詳晰查明具奏至礮位久貯一經風雨剝蝕恐多損壞儻不演放日久必有銹澀之虞嗣後應如何輪流出演數尊俾不至日久生銹且令礮手演習嫻熟庶可施放有準足資武備並著該撫妥議章程奏明辦理將此諭令知之欽此臣查江西省前後新

鑄大小銅礮共八十五位除撥解安徽十五位應即存吳文節公遺集

卷九

五

留該省又上年撥赴九江防堵據該鎮道請留六位存貯潯郡外現在省垣實存六十四位因各處城樓及各

營公所並無閒空房屋堪以收貯曾於上年鑄成後即

在臣署西偏箭道左旁隙地建屋七間將新鑄銅礮及

大小礮架妥爲收貯該處地方乾燥且亦嚴謹無虞風

雨剝蝕損壞至此項礮位必須輪年演放方免銹澀向

來江西每年冬季營中例演小礮即在城外附近洲地

試放地勢不曠難以致遠臣於上年委員相度省垣對

江西山之麓有空地十餘里並無民房節次演放礮位

均在該處甚爲合宜擬請每年冬間禾稼收割江水落

槽之後將省貯銅礮六十四位分出一半勻作三次擡赴該處由臣臨時酌委司道會同營員逐一演放其九

江郡留貯銅礮六位臣亦移咨九江鎮臣卽在鎮署妥

爲收貯每年由鎮臣親加演試一次以期礮位不致銹

澀而兵丁亦資演習再省城各門樓舊存鐵礮及上年

在局庫搜出煨煨試放堪用之鐵礮除前後分撥廣東

浙江二十四尊外仍存一千斤礮七位五百斤礮二十

三位三百斤礮十位共大小四十位現在封貯各城門

樓內可蔽風雨亦擬請每冬季分出一半於演放銅礮

時一併擡赴對江隨同試放庶新舊銅鐵礮位計兩年

吳文節公遺集

卷九

六

均可輪演一周免致銹壞所有新鑄銅礮現已妥爲收貯並擬定銅鐵礮位輪年演放章程是否有當理合恭

摺覆

奏伏乞

皇上聖鑒訓示謹

奏道光二十三年二月二十五日奏奉

硃批另有旨欽此

籌備火藥片

再每年演放礮位除九江存礮六位需用火藥止數十斤應由營自備外省營每次共演礮五十二尊每尊三



出約需用火藥四百斤營中額設火藥有定應卽另行  
籌備又查省營舊存擡礮一百桿上年陞任糧道潘鐸  
又捐製擡礮六十桿臣捐製鳥槍四百桿於各營內無  
論弓箭鳥槍藤牌何項兵丁一體挑出兼習以期得成  
一隊惟此項擡礮鳥槍必須按月按期加功操演庶不  
致有器無人難資精熟而核計按月加操每月以九次  
爲率每年約需用火藥三千餘斤鉛子四千餘斤若責  
令營中勻對應用勢必此操彼歇仍屬有名無實亦應  
另行籌備臣現在飭司設籌開款卽從道光二十三年  
爲始核計每年應需硝磺鉛子實數於下次委員採買  
吳文節公遺集卷九

七

時按數加買發營備用以資操習而收實效是否有當  
謹附片具

奏伏乞

聖鑒訓示謹

奏道光二十三年二月二十五日奏奉

硃批另有旨欽此

減半開鑄變通搭放摺

奏爲江西寶昌局鼓鑄錢文酌請減半開鑄並將搭放  
成法量爲變通以裕鑄務恭摺

奏祈

聖鑒事竊查江西省寶昌局前因錢價過賤有關兵民生計經前撫臣裕泰於道光十七年間奏奉

諭旨暫停鼓鑄嗣於二十一年間接准部咨欽奉

上諭戶部奏請飭催各省開鑄一摺著各督撫務照每年應鑄卯額迅速開鑄如銀價實有未平著體察情形將卯額奏明酌減等因欽此又經臣體察各屬錢價較之前時有減無增難以開鑄據實奏奉

諭旨仍准暫停立案茲於本年正月內接准戶部咨會奏明請

旨敕下停鑄各省迅卽按卯開鑄所鑄錢文先將文武吳文節公遺集

卷九

八

養廉以及支放各款各就本省情形均勻酌量搭放因地制宜隨時通變等因奉

旨依議欽此欽遵移咨到臣伏查江西各屬錢價現仍有減無增第自道光十七年

奏請停鑄以來計已五載有餘現既經部

奏請開鑄變通搭放自應遵照辦理惟查江西寶昌局鼓鑄錢文向設六爐每年額鑄二十四卯共鑄錢四萬二千三十八串一十六文內除扣給工料錢六千二百四十一串五百三十六文外實解司庫錢三萬五千七百九十六串四百八十八文遇閏加增兩卯計共解司庫

錢三萬八千七百七十九串五百二十文前於嘉慶九年咨准部覆兵餉及文武各官養廉均以一成搭放歷經遵辦在案現在錢價過賤若仍照舊搭放餉銀兵情未免拮据當此整頓營務之際自須量予體恤臣與藩臬兩司暨鹽道悉心籌議所有各營兵餉及額外外委末弁應一律暫免搭放其把總以上武職養廉每年共銀三萬二千八十兩應照前次搭放成數酌減二釐改爲八釐搭放至文職養廉比武職較優應卽以武職所減之數移加文職議於原搭一成之外酌加二釐以一成二釐搭放統計通省文職養廉共銀十七萬七千一

吳文節公遺集

卷九

九

百八十兩內除應扣缺曠全半廉銀及應捐司庫墊用之剝船工料運費等項於養廉內扣收者均應以銀扣還不能搭放錢文又各屬坐支之役食等項解銀領錢往返多費難以一律搭放外約計每年文武養廉等款止能搭放錢一萬八九千串今若以原設六爐照舊開鑄每年應解存司庫錢三萬五千餘串則入浮於出必致日積日多虛懸成本且司庫現尙存有前鑄未放錢一萬三千四百餘串亦須搭放自應欽遵前奉

諭旨酌減開鑄相應據實奏懇

皇上天恩俯准將江西寶昌局原設六爐暫減三爐先

開三爐按卯鼓鑄每年鑄錢二萬一千一十九串零八文內除扣給工料錢三千一百二十串七百六十八文外實解司庫錢一萬七千八百九十八串二百四十二文遇閏加增兩卯共解司庫錢一萬九千三百八十九串七百六十文酌量搭放庶俾一年所鑄之錢均可搭入一年所放之款而前存錢文亦得一併陸續搭放不致久懸臣仍隨時察看情形如果錢價得漸平復卽行

奏請照舊增鑄搭放以期圖法流通至開鑄事宜均仍循照舊章辦理除飭令趕緊選擇爐頭雇募工匠一俟齊集卽行開鑄搭放外是否有當理合恭摺具

吳文節公遺集

卷九

奏伏乞

十

皇上聖鑒訓示謹

奏道光二十三年三月二十二日奏奉

硃批另有旨欽此

收捐錢文請解南河片

再上年各屬士民捐輸海疆經費計共銀一十三萬二千餘兩錢一十四萬五千餘串除兩次奉撥南河工需共銀一十萬兩又上年沿江防堵並遵

旨籌辦合勦事宜

奏明動支陸續發過銀二萬四千餘兩錢一萬一千餘

串外計尙存銀八千餘兩錢十三萬四千餘串同前次  
淮南捐鑄礮位奉

旨停止收貯候撥錢六萬千文現俱存庫聽候部撥惟  
撥解錢文設道途迂遠則腳費較繁若在本省以錢易  
銀誠恐驟出多錢銀價愈昂虧折較甚因思河工向辦  
大工多需錢文江西至江南河庫一水可通如由水路  
解運運費可以減省所有前項錢一十九萬四千餘串  
可否仰懇

天恩敕下部

臣

存俟南河工需應行撥款之處酌量飭

撥卽由江省雇船裝運解往庶腳費省而存錢亦得流

吳文節公遺集

卷九

十一

通矣據藩司費開綬議詳前來臣謹附片具

奏伏乞

聖鑒訓示謹

奏道光二十三年三月二十二日奏奉

硃批戶部議奏欽此

甯都州屬匪徒加等治罪摺

奏爲甯都州及所屬匪徒請援照南贛二府加等治罪

章程一律辦理以示懲儆而安善良恭摺

奏祈

聖鑒事竊維爲政首在安良而安良必先除暴前因南

安贛州二府所屬常有匪徒拜會及搶劫訛詐招人勒贖等案經前撫臣吳光悅

奏請將應擬充軍流徒等犯均於各本罪上酌加一等定擬以示懲儆奉

旨遵行在案茲查甯都州及所屬瑞金石城二縣或錯壤於贛郡屬縣之中或與閩省聯界匪徒易滋出沒近來搶詐之案亦層見疊出經臣嚴飭查拏計自上年六月至今據該州縣等陸續報獲五十餘名或結夥搶奪或逞兇訛詐甚或拒捕傷人實爲閩閩之害若不嚴加懲治無以儆兇暴而安善良據藩臬兩司轉據分巡吉吳文節公遺集

卷九

七

南贛甯道陳士枚稟請

奏明援照南安贛州二府屬辦理章程一律加等治罪前來臣覆加體察委係實在情形應如所請嗣後甯都州及所屬瑞金石城二縣地方如有匪徒搶奪及逞兇訛詐等案俱援照南安贛州二府

奏定章程除實犯死罪及外遣爲奴罪無可加並捆人勒贖向照閩粵二省之例問擬均各照舊辦理外其餘軍流以下各犯均於本罪上加一等定擬俾匪徒知所儆畏仍俟數年後此風稍息再行

奏明復歸舊例所有現獲各案犯卽請照現定章程分

別酌加定擬臣仍嚴飭該州縣隨時稽察認真查拏務期有案必破有犯必獲勿使一名漏網以除兇暴而靖地方臣爲因時懲創起見是否有當理合恭摺

奏明請

旨遵行伏乞

皇上聖鑒訓示謹

奏道光二十三年四月二十八日奏奉

硃批刑部議奏欽此

吳文節公遺集

卷九

十三

吳文節公遺集卷十目錄

奏議

移設巡檢摺

請將宋臣文天祥從祀

文廟摺

覆奏各營馬匹難以議減摺

遵保屬員摺

吳文節公遺集卷十目錄

欽此優員辭

覆奏各營馬匹難以議減辭

文應辭

精陳宋臣文天祥從祀

奏謝

奏謝

吳文節公遺集卷十目錄



奏議

移設巡檢摺

奏爲地方今昔情形不同請將巡檢分別裁撤移設以資彈壓恭摺

奏祈

聖鑒事竊照設官分職必須因地制宜而今昔情形不同自當量爲通變茲查贛州府屬之龍南縣界連粵省民俗强悍其西南轄境百數十里地方遼闊距縣城寫吳文節公遺集卷十

一

遠中有大龍堡墟場一處人烟稠密五方雜處時有打降賭博等事且有玩法匪徒搶竊滋擾向無佐雜分防商民被害就近無可控訴迨赴縣具呈差拏往返動經數日人犯早已遠颺匪徒明知官役鞭長莫及遂致肆無忌憚必得移設佐雜就近駐扎俾資彈壓臣與該司道等悉心籌酌查有袁州府屬之宜春縣原設巡檢二員內澗富司一缺本係簡缺該處風俗較淳事務尤簡

堪以裁撤移設龍南縣大龍堡地方定爲調缺其澗富司原轄地方歸併該縣典史及黃圃司巡檢分管足資稽察至簡缺改調缺分未符查有撫州府屬之崇仁縣

鳳岡司巡檢本係繁缺該處民樸事少應改爲簡缺以資抵補而符銓政所有龍南縣大龍堡添設巡檢應管汛地以大龍堡觀音閣墟及新興太平二堡撥歸管轄凡有盜竊案件一體責令承緝遇有打降賭博私宰等案就近查拏解縣究報至該巡檢衙署查有大龍堡附近之觀音閣地方有該縣舊建公館一所稍爲脩葺堪以改作衙署毋庸籌款另建該衙門應設弓役俸工等項卽以所裁宜春縣澗富司巡檢衙門原設俸工改撥支給亦毋庸另議其所需印信擬以龍南縣大龍司巡檢字樣請鑄頒用以昭信守據藩臬兩司會同該管各吳文節公遺集 卷十

二

道具詳請

奏前來合無仰懇

天恩俯准將宜春縣澗富司簡缺巡檢裁撤移設龍南縣大龍堡觀音閣墟地方改爲調缺作爲大龍司巡檢以資彈壓並將崇仁縣鳳岡司繁缺巡檢改爲簡缺以符銓政如蒙

俞允俟接准部覆將龍南縣巡檢另行遴員調補所裁宜春縣澗富司巡檢照例留省另補至崇仁縣鳳岡司巡檢本係調繁之員今其缺改簡俟有相當缺出另行請調並將地圖印模咨部核辦外

臣

謹會同署兩江督

臣壁昌恭摺具

奏伏乞

皇上聖鑒訓示謹

奏道光二十三年五月二十二日奏奉

硃批吏部議奏欽此

請將宋臣文天祥從祀

文廟摺

奏爲宋臣文天祥完行純忠志宗孔孟請從祀

文廟以彰正學而闡幽光恭摺

奏祈

吳文節公遺集

卷十

三

聖鑒事竊維純臣大節惟恪守夫忠貞名教完人實本  
原於理學我

朝治崇儒術

化洽人文凡有功

聖教未曾耐饗

文廟者歷經

奏准從祀在案茲查宋臣文天祥江西廬陵縣人年二十  
十舉進士對策萬餘言理宗親擢爲第一薦升右丞相  
加少保封信國公至元十五年爲元將所執在燕三年  
終不屈而死衣帶有贊曰孔曰成仁孟曰取義惟其義

盡所以仁至讀聖賢書所學何事而今而後庶幾無愧  
是其生平志宗孔孟實爲生死不渝伏讀乾隆二年  
高宗純皇帝御製文文天祥忠誠之心不徒出於一時  
之激久而彌勵浩然之氣與日月爭光蓋志士仁人欲  
伸大義於天下者不以成敗利鈍動其心也煌煌  
聖訓所以獎忠貞而勵名節者尤爲千古定論且考其  
所著文山文集計十六卷其舉進士對策以法天不息  
爲言考官王應麟稱其古誼若龜鑑忠肝若鐵石此外  
發爲文詞無非扶植綱常維持世教其爲學也以立誠  
爲主以程朱爲宗闢異端崇孔氏踐修儒行輔翼

吳文節公遺集

卷十

四

聖經以之升祔學宮洵爲不愧據藩司費開綬轉據吉  
安府暨該學教官開具事實清冊具詳請  
奏前來合無仰懇

聖恩准將文天祥從祀

文廟以昭崇報除將清冊送部核辦外臣謹會同署兩  
江總督福建福州將軍臣璧昌江西學臣孫瑞珍合詞

恭摺具

奏伏乞

皇上聖鑒敕部議覆施行謹

奏道光二十三年閏七月初八日奏奉

硃批禮部議奏欽此

覆奏各營馬匹難以議減摺

奏爲江西省各營馬匹遵

旨體察難以議減據實具

奏仰祈

聖鑒事竊<sub>臣</sub>等承准軍機大臣字寄道光二十三年六

月初二日奉

上諭據戶兵二部會議外省馬乾章程著各督撫各就

地方情形悉心籌議據實具奏等因欽此<sub>臣</sub>等當卽欽

遵咨照鎮<sub>臣</sub>並轉飭各標營妥議覆辦所有江蘇安徽

吳文節公遺集

卷十

五

二省營馬業經<sub>臣</sub>壁昌會同各該無<sub>臣</sub>先後籌議恭摺

覆

奏並附片陳明江西省由<sub>臣</sub>吳文鎔體察地方形勢再

行會議具奏在案茲據各標營俱以地當衝要現存馬

匹無多實難議減先後呈覆並准署九江鎮<sub>臣</sub>王世平

南贛鎮<sub>臣</sub>德坤咨會與各標營所議相同<sub>臣</sub>等伏查江

西省三十七協營內九江南湖鄱湖三水師營向無騎

操馬匹其餘三十四營原額馬一千四百一十四匹前

於裁兵案內已陸續裁汰二百五十四匹現在實存馬

一千一百六十四匹內撫標左右二營每營存馬三十六

匹僅敷差操南昌城守營存馬一百三十三匹地當省會扼要衝途且分防各縣汎地距省較遠控馭攸關俱難再減至九贛二鎮所轄各營均係山徑陸路駐劄處所多與楚皖閩浙粵東等省毘連地方遼闊操防尤關緊要該二鎮所轄陸路共有三十一協營計共存馬止九百五十五匹分佈各營多則四五十匹少僅二三十匹或十餘匹實屬無幾伏念<sub>臣</sub>等仰沐深恩當此制用孔亟之時

國家經費有常如果稍可撙節敢不悉心籌減乃自前次陸續裁汰之後各營所存馬匹委俱僅敷差操無可吳文節公遺集卷十

六

再減且地不產馬去口較遠急切無從購買若於無可議減之中勉強減裁匪特平日操防不敷設有緩急更恐貽誤事機所有江西省各營馬匹難以議減<sub>臣</sub>等往返札商意見相同謹合詞恭摺覆

奏伏乞

皇上聖鑒訓示謹

奏道光二十三年十月二十一日奏奉

硃批兵部議奏欽此

遵保屬員摺

奏爲遵

旨保奏事竊臣前因

奏保屬員仰蒙

皇上剴切訓示年餘以來凜遵

聖訓留心考察所屬各員中尙有可舉之才當將可否

准臣補行保奏緣由陳明請

旨欽奉

硃批准其保奏欽此仰見我

皇上旁求俊乂務在無濫無遺臣跪讀之下實深欽感

茲遵將臣考察確實堪膺薦舉之員敬謹繕列清單分

別出具考語恭呈

吳文節公遺集

卷十

御覽伏乞

皇上聖鑒訓示謹

奏

南昌府知府倪良耀

該員現年五十一歲安徽拔貢由廣西知縣薦升

南安府調補今職前在廣西時素著循聲現任首

郡正已率屬力振因循一切發審案件尤能虛衷

訊鞫明慎安詳洵屬練達有爲實心任事之員

廣信府知府麟桂

該員現年四十歲鑲白旗滿洲監生由禮部郎中

補授饒州府調補今職前任饒州府時督辦各縣  
圩堤均能實心講求不辭勞瘁上年署理首府篆  
務一切措理裕如才具明敏足以有爲

南安府知府吳式芬

該員現年四十四歲山東進士由編修補授今職  
上年南安府因廣東夷務設立糧臺該員承辦一  
切力求實際條理秩如嗣調署建昌臨江各府篆  
均能措注合宜實屬才敏心細器識遠到之員

義甯州知州周玉衡

該員現年六十歲湖北舉人由大挑分發江西歷

吳文節公遺集

卷十

八

任龍南贛縣新建等縣升補今職持躬廉正遇事  
果斷貌似粗而心極細在江年久所到之處輿情  
無不愛戴上年因防堵崇陽匪徒出力曾經奏蒙  
恩准以知府升用洵屬爲守兼優結實可靠之員

南昌縣知縣現升蓮花廳同知程燦策

該員現年四十八歲山東進士由會昌縣調補今  
職惻悃無華實心任事該縣濱湖各鄉易被水災  
該員體察情形隨時捐廉倡率業戶脩築圩堤頗  
收實效處首邑繁劇之區不務矜張事俱從容就  
理實屬通達政體有爲有守之員



信豐縣知縣張廷杰

該員現年四十二歲貴州進士分發江西補授今職歷署義甯進賢各州縣缺均能實心辦事上年湖北匪徒滋事該員帶兵在義甯州分防要隘緝匪衛良遠近村堡恃以無恐曾經奏蒙

恩賞加銜現任信豐地方爲贛屬犷悍之區該員到任數月卽勸諭收繳鳥槍一千餘桿民情感畏洵屬緩急可恃才猷敏贍之員

廣昌縣知縣曹士桂

該員現年四十四歲雲南舉人由大挑分發江西

吳文節公遺集

卷十

九

補授今職歷署龍南會昌信豐等縣現署萬安縣缺均係疲瘠難治之區該員每至一處卽各按該地方情形斟酌緩急次第整頓絕不畏難苟安尤能不涉粉飾實事求是洵屬盡心民事有志向上之員

道光二十三年十二月初一日奏奉

硃批吏部知道欽此

吳文節公遺集卷十一目錄

奏議

設法貴錢賤銀摺

審擬安仁縣鬧漕匪徒摺

訪獲教匪摺

用錢代銀請毋庸試行片

吳文節公遺集卷十一目錄



限銀升題請毋庸試行片

訪獲教匪摺

審擬安仁縣鬧漕匪徒摺

設法貴錢賤銀摺

奏議

吳文節公遺集卷十一目錄

奏議

設法貴錢賤銀摺

奏爲設法貴錢賤銀以期藉錢之無窮濟銀之不足挽積重而裕財用敬陳管見仰祈

聖鑒事竊查上年戶部奏催各省開爐鼓鑄一案奉准咨抄原摺內有云銀之爲物旣非若銅鉛錫鐵隨時礦採而耗銀之事又百出不窮銀之貴非由錢之多祇以日趨於少卽日形其貴此時正宜設法用錢以濟銀之不足又稱用銀之款可代以用錢財用因以少裕等因旨哉斯言誠方今不易之論也顧所謂設法用錢者當求所以善其法然後可以通其用伏思各省設爐鼓鑄原以錢爲日用所需藉錢以便民之用非藉錢以濟銀之細也至今日則情形有不同者今

吳文節公遺集

卷十一

一

國家承平日久合計有爐十四省每歲額卯得錢一百十四萬串有奇流衍百數十年以來錢固已日見多矣然使錢日多而銀並未少亦不至畸重畸輕之甚無如耗銀之端百出銀且日趨於少也以日多之錢代日少之銀似屬用之至便不知用也者通上下兼出入言之

祇計出而不計入則銀之勢偏於重而價仍昂錢之勢偏於輕而價仍低價不平用固不能通也欲求其通必出與入均能以錢代銀則上下相通而錢始得行錢得行則銀不偏重矣顧所入之錢未可浮於所出也祇以額用之銀約計徵之以錢正不必全以錢代也查各省應行解部及協解鄰省者長途撥運腳價浩繁應仍行徵銀解銀至本省兵餉文武官廉俸書工役食祭祀驛站一切坐支之款統計各省歲不下二千餘萬兩應全行改折收錢放錢以此二千餘萬串之錢委輸官庫錢之勢必見少少則價貴以此二千餘萬兩之銀留布民

吳文節公遺集

卷十一

二

間銀之勢必見多多則價賤此理勢之自然者然以此平銀錢之價固矣恐其效非旦夕可幾其未平之先若照錢一千准銀一兩之例支放必致兵譁役怨事格不行故改折錢文必按時價改折地方官按時價折解藩庫藩庫按時價散放各款徵解相應支領胥安可以行所無事也且救弊期以興利而利中之弊當先籌及約有五端均可無窒礙焉一日民情宜體察也定制正賦皆徵銀解銀一旦照時價改折錢文恐亂舊章而駭物聽不知零星小戶例原許以錢代銀而農田所出穀粟麻桑蔬薪之類亦多係糶賣錢文故現在各直省百姓

以錢完賦者無慮十之八九民以輸錢爲便官不得不俯順輿情今折解藩庫在官雖名曰改折而在民則實守故常閭閻無耳目之驚有司少易銀之累因利乘便法莫有良於此者矣一日錢價宜畫一也一省之大市屢情形不能一律或有平色高低不同或有串頭虛實不等若照各州縣市價合銀解錢難免參差查銀錢聚會多在省垣外府之價恒視之以爲準應令各省藩司按庫平足陌據省垣之價爲定於三月八月開徵半月之前通飭州縣遵照批解倘銀價得平隨時核減則藩庫收數可歸畫一也一日解錢宜劃數也司庫出納兼

用銀錢則州縣亦須銀錢兼解其應如何解錢之處必當截清數目以昭限制查各省存留坐支之款歲有常經除耗羨內有解部飯食及搭放局錢作抵之數應劃出仍令解銀其餘應卽全行折錢外其動用地丁者由藩司核明歲用銀數按照各州縣錢糧多寡均勻指派解錢則批解數目各有定額不致羸縮混淆矣一日扣平宜循舊也查坐支各款現在有應按二兩平扣給者今旣照庫平銀價改折錢文是所領之項卽與庫平紋銀無異平餘銀兩仍須照扣應將所發錢文按照銀價扣錢其扣平銀兩仍令州縣解銀報撥庶幾變通之中

不改已定之例也。一日局錢宜疏通也。賦入之錢可按時價以爲收放局鑄之錢按時價支放則工本大虧按定例支放則偏枯難免查各省鼓鑄額卯至多不過數萬應全於各官養廉按成搭放現在錢價雖輕而所搭尙不至過多況俟銀價一平仍無所損文武官員絲粒皆戴

國恩自不應計及錙銖而兵餉得免配搭於兵丁目前生計亦可不至艱窘矣似此一轉移間法不必更新民不必易習兵丁無所苦物價漸就平制用之宜彰明較著也至南北各省情形或小有異同因地制宜隨事變吳文節公遺集卷十一

四

通似均可酌量辦理倘行之久而銀錢相埒出入咸宜則各省鼓鑄可加卯增額推廣流通以孳生不竭之錢濟消耗日絀之銀操縱有權利源在上矣臣才識謏陋闕歷無多一己之見未敢遽信爲當然惟當此

國計未充上廩

宵旰苟有一得之愚不敢不爲芻蕘之獻是否可采伏

乞

皇上聖明垂察

飭下部臣疆臣通籌核議奏請

欽定施行臣謹恭摺具

奏伏乞

皇上聖鑒訓示謹

奏道光二十四年三月十一日奏奉

硃批軍機大臣會同戶部議奏欽此

審擬安仁縣鬧漕匪徒摺

奏爲遵

旨審明定擬恭摺覆

奏仰祈

聖鑒事竊照安仁縣棍徒高嫩仗等包漕滋擾拒傷官

役一案前經

臣

委員馳赴會拏並恐該縣林漢喬或有

吳文節公遺集

卷十一

五

辦理不善之處飭司撤任附片會

奏欽奉

上諭吳文鎔奏棍徒聚眾抗漕拒捕傷官等語江西安

仁縣棍徒高嫩仗等膽敢於該縣開倉收漕時倚眾滋

擾該府營前往拏辦輒擲石拒傷官員兵役實屬目無

法紀現在拒捕之犯雖經陸續報獲該縣漕糧亦已照

數完納惟案關重大必應嚴行懲辦著該無親提犯證

澈究確情按律懲治其在逃各犯並著迅速查拏毋使

一名漏網該縣知縣林漢喬著卽撤任查明如係辦理

不善卽行據實參辦無許稍有掩飾欽此

臣

當查此案

已獲各犯高嫩仗等先已行提來省委員審辦在案欽奉前因遵復嚴飭勒掣在逃各犯解究去後嗣據該縣續獲下手傷官要犯胡老五及李青喜傳同應訊兵丁周記太解省又經飭發委員併究詳辦茲據委員南昌府知府倪良燿等以案犯吳多生於取供後在監病故將其餘各犯審明議擬由臬司溫子巽會同藩司費開綬覆訊詳解前來臣親提研鞫緣胡老五高嫩仗艾佐臣邵峒安李德勝余保勝李青喜陳尙忠吳多生張書田楊高明李自華吳瀛占張奇如楊祥發李云太均籍隸安仁縣李自華於道光元年考入縣學武生高嫩仗吳文節公遺集

卷十一

六

與李自華吳瀛占張奇如楊祥發李云太及在逃之吳和良熊振淙熊湘潘維照李三畏楊尙庭張起瀛洪日俚邵求俚吳時昌吳林高張青魁同都素好各有本戶應完漕米自四五升至數斗不等道光二十三年十一月間該縣林漢喬出示開徵漕糧約會同赴投納高嫩仗因本都花戶不少起意商同李白華等包攬漁利因恐各花戶不允捏稱本都漕糧現經伊等公議起立義圖若隨同完納較爲便宜卽米色不純倉書亦不敢挑別愆愆一同赴倉完納藉圖開銷使費花戶信以爲實卽約會將米運赴都內志遠寺會齊是月二十五日正



擬運倉投納經林漢喬訪聞飭差查拏將李白華拏獲訊供詳革高嫩仗起意商同吳和良等赴倉闖鬧希圖挾制不敢拏究吳瀛占張奇如楊祥發李云太畏事未允吳和良等十二人俱各允從高嫩仗因恐人少難以嚇唬隨又添糾胡老五艾佐臣邵悃安李德勝余保勝李青喜陳尙忠吳多生張書田楊高明並已被格斃之曾搆子在逃之張賚周曾子發吳世彰一共二十七人前赴倉內令倉書方向高等將本都漕米盡歸伊等量收方向高等因見高嫩仗等勢兇人眾畏懼走避縣役

會興王貴同在倉防守兵丁桂喜上前喊拏高嫩仗喝

吳文節公遺集

卷十一

七

令網毆吳和良等卽取倉內木擔毆傷會興王貴桂喜

偏右等處并用機繩將會興王貴兩手網縛同桂喜一

併關禁倉廩並將水腳房錢桌打毀時該縣汎弁赴省領餉未回該縣林漢喬帶差赴倉查拏各犯隨即逃散

驗明會興等傷痕飭差拏獲高嫩仗訊供收禁復親自

赴鄉督拏餘犯吳和良恃眾抗拒不服拘拏並把持各

花戶不許將米運倉完納林漢喬稟經饒州府知府姚

熊飛會營赴縣彈壓拏辦姚熊飛因餘黨聚集未散飭

令林漢喬并饒州營外委虞起勝帶同兵役親往查拏

吳和良又主使胡老五艾佐臣邵悃安李德勝余保勝

李青喜陳尙忠吳多生曾搆子潘維照張賚周曾子發  
吳世彰一同拒捕時適未獲之艾鼎富艾康臣艾幅山  
邵受俚陳義仍陳春喜在彼吳和良因與素好亦邀令  
相幫艾鼎富等亦俱允從一共二十人各用木擔石塊  
拒毆胡老五拾取石塊擲傷該縣林漢喬額顱曾搆子  
亦拾石擲傷外委虞起勝頂心兵丁周記太施放烏鎗  
將會搆子格斃維時吳和良與艾佐臣等亦各取木擔  
石塊毆擲致傷兵丁胡榮福胡福陳廷謨張舉才林向  
榮陳金釗額顱等處縣役周元周明林祥陸發管榮吳  
金龔福楊名倪祥張瀾李順彭旺髮際等處因人多手  
吳文節公遺集 卷十一 八

雜不知何人致傷何人何處該兵役等上前擒拏各犯  
卽紛紛逃散據姚熊飛驗明各傷稟經臣飭委景德鎮  
同知吳名鳳候補同知蔣啟敷馳往會拏獲犯并恐該  
縣林漢喬有辦理不善之處飭司暫行撤任委員接署  
並附片會

奏欽奉

諭旨著親提犯證澈究懲治茲經提集研訊據各供前  
情不諱究無另犯不法亦無另有隨同拒捕滋事之人  
嚴詰不移案無遁飾在逃各犯驟難弋獲現犯未便久  
羈應卽擬結查例載部民犯罪不服拘拏逞兇殺害本

官已傷者爲從下手絞候又打攪倉場欺凌官攢者徒  
罪以上發附近充軍又律載罪人持仗拒捕其捕者格  
殺之勿論各等語此案胡老五先則聽從高嫩仗赴倉  
滋鬧將守倉兵役網毆關禁後因該縣會營督率兵役  
往挈復聽從吳和良主使抗拒用石塊擲傷本管知縣  
實屬不法自應按例問擬胡老五除聽從打攪倉場輕  
罪不議外合依部民犯罪不服拘拏逞兇殺害本官已  
傷者爲從下手絞候例擬絞監候秋後處決該犯所犯  
情節較重據供母老丁單應不准其查辦高嫩仗起意  
包漕漁利因同夥李白華經縣訪聞拏獲輒糾眾赴倉  
吳文節公遺集 卷十一

九

滋鬧希圖挾制並喝令將守倉兵役毆傷網縛關禁所  
犯已在徒罪以上亦應按例問擬高嫩仗合依打攪倉  
場欺凌官攢者徒罪以上發附近充軍例發附近充軍  
艾佐臣等先則聽從打攪倉場繼復隨同吳和良抗官  
拒捕致傷兵役亦屬不法惟並未下手傷官與毆傷本  
官者情稍有間自應酌減問擬艾佐臣邵幗安李德勝  
余保勝李青喜陳尙忠吳多生除打攪倉場爲從輕罪  
不議外均請於傷官爲從之胡老五絞罪上量減一等  
各杖一百流三千里張書田楊高明僅止聽從赴倉滋  
鬧網毆兵役並未抗官拒捕均請於高嫩仗打攪倉場

軍罪上減一等各杖一百徒三年以上軍流徒各犯除  
吳多生業已監斃應毋庸議楊高明據供親老丁單是  
否屬實飭縣查取供結另行辦理外高嫩仗陳尙忠情  
節較重各供親老丁單均不准留養應與艾佐臣等俱  
分別定地發配照例折責安置李白華吳鳳占張奇如  
楊祥發李云太僅止聽從包漕未成並未隨同赴倉滋  
鬧亦未抗官拒捕應請各照不應重律杖八十折責發  
落李白華所革武生不准開復兵丁周記太因曾搗子  
擲石拒傷本官放槍將其格斃合依罪人持仗拒捕捕  
者格殺之勿論律勿論曾搗子聽從抗拒下手傷官本  
吳文節公遺集卷十一

十

干例擬業已被格身死吳多生在南昌縣監病故刑禁  
人等訊無凌虐情弊均毋庸議該縣漕糧已據各花戶  
照舊完納交幫起運無誤員弁兵役所受各傷均已平  
復亦毋庸議所有監斃流犯一名之管獄官職名係南  
昌縣典史劉德焱相應附叅逸犯吳和良等飭緝獲日  
另結此案拒捕首夥二十人現獲從犯八名及格斃一  
名尙未及半首犯亦未弋獲所有文武疎防職名飭取  
補叅至該縣林漢喬因棍徒包漕滋事不服拘拏稟報  
會營拏辦尙無辦理不善之處惟該縣民情刁悍該員  
心地樸誠而才欠開展於該處人地不甚相宜未便仍

令回任相應請

旨將安仁縣知縣林漢喬留省俟有相當缺出另請補用所遺安仁縣知縣係專衝不兼簡缺江西省現有應補人員容臣另行請補除備錄全案供招咨部外所有審明定擬緣由臣謹會同署理兩江總督福建福州將軍臣璧昌恭摺具

奏伏乞

皇上聖鑒勅部核覆施行謹

奏道光二十四年九月二十五日奏奉

硃批刑部議奏欽此

吳文節公遺集

卷十一

訪獲教匪摺

十一

奏爲訪獲習教匪犯先將大概供情恭摺

奏祈

聖鑒事竊臣接據九江府知府劉熾昌德化縣知縣濟

昌等聯銜稟稱該府等因訪聞境內有傳習邪教匪徒

當卽改裝易服嚴密察拏獲到張尙延一名並在其家

搜出經卷等件提訊張尙延供認喫素誦經事神習教

不諱並稱有四川范依果來江西傳教上年冬間曾至

其家旋即潛往湖北等情又據署南昌府知府王藩督

同署南昌縣知縣慶雲訪獲李紹海一名訊認拜從戴

姓范姓爲師習教等情各具稟到臣查此案現准陝甘督臣富呢揚阿兩湖督臣裕泰先後咨稱該省均獲有青蓮教匪徒究出該匪等分派黨羽赴各省傳教開單知會密飭嚴拏臣卽飛飭各屬並密委幹員分往會同查緝在案茲該府縣等訪獲張尙延李紹海二名訊俱習教之犯並據稱有四川人范依果來江西傳教是此外聽從入教之人必不僅此數名該匪等妄託鬼神禍福之說展轉煽誘蔓延及各省實屬愍不畏法必須窮搜務盡且現在要犯范依果尙未就獲是否已往湖北尤宜研究的實下落跟踪追捕除飭臬司分別提犯來吳文節公遺集卷十一

三

省嚴行鞫訊一面仍飛飭各屬嚴密訪拏匪黨務期按名就獲以淨根株外所有訪獲習教匪犯大概情形謹先繕摺奏

聞伏乞

皇上聖鑒謹

奏道光二十五年四月初七日奏奉

硃批嚴密查緝務淨根株不可視爲泛常欽此

用錢代銀請毋庸試行片

再臣上年因各省錢賤銀貴思欲用錢代銀將各省坐

支之款均收錢放錢莫可漸平銀價奏蒙

勅下軍機大臣會同戶部議奏嗣經議得各省坐支之款出納總在一年銀非久貯錢亦卽流布民間恐於見多見少之意未必有效請先令江西試行如果試辦得宜再行奏明通行各省酌辦等因奏奉

諭旨依議欽此咨行到

臣

當卽欽遵檄行藩司通盤

籌計並行各府查核道里遠近及收放情形彙詳核辦去後茲據藩司費開綬詳稱據各府陸續查稟情形大略相等中有山路僻遠及向不徵錢之處通融哀益次第舉行期無窒礙詳請酌辦前來

臣

思用錢代銀原期藉以平銀價也必藩庫收錢多而市價能平庶徵實效

吳文節公遺集

卷十一

三

今查江西藩庫因官紳迭次捐輸已積存錢至三十餘萬串此項錢文多取之省鋪且係有納無出市肆錢應日少錢價卽應日貴及驗之市價錢乃日益加賤上年冬間紋銀一兩易制錢一千五百餘文現已易至一千七百餘文收錢多而錢價更賤殊不可解

臣

詳加訪求始知鄰省因江西用錢較多錢價稍貴又風聞藩庫將以錢代銀市錢必昂以致浙江及湖南湖北有專販錢支至江西發售者故錢以空集而轉賤若復舉行用錢代銀不獨旋納旋出效難驟期且恐錢販踵至錢日賤而銀日貴更屬無益

臣

細察情形一省試行實難收效

未敢稍涉拘泥應請毋庸試行謹據實附片具

奏伏乞

聖鑒飭部查照謹

奏道光二十五年四月初七日奏奉

硃批戶部知道欽此

吳文節公遺集 卷十一

四



想世可謂吸塵也

卷十一 五十四 四民 四日 奏奉

聖鑒飭部查照謹

奏伏乞

未敢稍涉拘泥應請毋庸試行謹據實附片具



吳文節公遺集卷十二目錄

奏議

審擬教匪摺

暫停鼓鑄摺

審擬教匪摺

吳文節公遺集卷十二目錄

審擬必親辭

曹學憲辭

審擬必親辭

奏議

吳文節公遺集卷十二目錄

奏議

審擬教匪摺

奏爲審明習教匪犯分別定擬恭摺奏祈

聖鑒事竊臣前據九江南昌等府縣訪獲邪教匪徒張

尙延李紹海起出經卷等件具稟到臣並准陝甘兩湖

督臣咨會該省獲有青蓮教匪犯究出分派黨羽赴各

省傳教咨飭嚴拏等因臣卽飛飭各屬並密委幹員分

往查緝一面飭司先提現犯來省嚴行鞫訊並將辦理

吳文節公遺集

卷十二

一

情形恭摺具

奏奉到

硃批嚴密查緝務淨根株不可視爲泛常欽此又經欽

遵轉飭嚴密查拏嗣據德化縣續獲方組達周得交翁

之瀾三名彭澤縣拏獲李致美一名宜春縣拏獲古魁

連一名南昌縣續獲侯啟先熊希亨二名並據李碧川

一名自行投首又新建縣拏獲漆九如張李氏二名口

在張李氏家起獲玉皇心印經一本先後稟報解省並

據德化縣稟報該縣同南昌等縣兵役緝至安徽懷甯

縣地方協同懷甯縣兵役拏獲戴理釗一名解送懷甯

縣請咨提解審等情復經據稟咨提嗣准安徽撫臣以  
飭訊戴理釗供止拜從陝西省拏獲之周位掄爲師習  
教狡不承認傳徒業經咨會陝西省提犯訊明徑覆核  
辦應將戴理釗解回歸案質訊等因並准委員將戴理  
釗及起獲道書五本解送到臣隨卽發委南昌府知府  
王藩督同南昌縣知縣慶雲署新建縣知縣斌椿提同  
各犯確審卽據該委員等詳請將戴理釗監生斥革提  
訊張尙延張李氏周得交侯啟先翁之瀨五犯供認拜  
從范依果爲師習教方組達李紹海李碧川三犯供認  
拜從戴理釗爲師入教李致美漆九如熊希亨三名供  
吳文節公遺集

卷十二

二

止聽從戴理釗戒葷喫齋並未習教質之戴理釗雖據  
供認拜師傅徒而究係何人之徒供詞仍復游移屢審  
不定其古魁連一犯訊認拜從在逃之鄔智明爲師習  
教因與湖南省拏獲之胡持培口供不符稟明解歸湖  
南省質訊擬辦並准湖南省查覆范依果已於道光二  
十五年二月初一日在長沙縣地方病故又准陝西撫

臣

咨覆該省拏獲之周位掄並無供有收受戴理釗爲

徒之事各等因復經飭知該委員等確審去後茲據該  
委員等將各犯審明定擬由按察司溫子異勘解前來  
臣隨親提各犯悉心研訊緣戴理釗卽戴瀨亭翁之瀨

方組達周得交均籍隸德化縣張尙延籍隸湖北黃梅縣侯啟先籍隸湖南武陵縣李紹海李碧川張李氏均籍隸南昌縣戴理釗先於道光十九年在京報捐監生給有部監各照與張尙延素識二十四年七月戴理釗赴湖北黃梅縣質易前往張尙延家探望時張尙延家有四川金堂縣人范臻卽范依果在彼暫住范依果先在湖北漢陽縣地方聽從陳汶海郭建汶等習學青蓮教陳汶海設立乩壇將無生老母畫像供奉稱爲雲城並起意假託聖賢仙佛轉世捏造弊齋行善可以不遭水火劫難等語作爲乩筆判出傳佈煽惑誘人習教因

吳文節公遺集

卷十二

三

郭建汶欲奉伊素識之周蠻卽周位掄爲教主陳汶海等不允欲立朱中立郭建汶卽與陳汶海等分教而散陳汶海等遂將朱中立改名化無子令在江夏縣公棧

照管並云人數眾多恐致惹事破案聽憑眾意認往各省分途傳教假稱供奉朱中立爲教主以便廣收徒眾多斂銀錢分寄雲城供佛范依果卽認往江西攜帶經卷善書而來業已誘允張尙延拜師習教戴理釗與之談論兩相投機范依果告知情由用言勸誘戴理釗聽信亦拜范依果爲師范依果書立無生老母牌位令戴理釗禮拜訖傳授坐功運氣道理並送玉皇心印等經

囑令時常念誦或轉散徒眾戴理釗收受致送功果銀十六兩而回以後范依果復以前說誘收張李氏周得交侯啟先翁之瀆四人爲徒得受功果錢自五百文至一千文不等張尙延翁之瀆侯啟先常將神牌供奉張李氏周得交慮人知覺當時燒燬范依果本擬卽赴江西省城一帶傳教因值患病前往湖南就醫旋在長沙縣地方病故而戴理釗自入教以後亦思轉傳徒眾收受功果錢文於是年九月及十一月先後誘說方組達李紹海李碧川三人拜伊爲師教令坐功運氣並送玉皇心印等經得受功果錢自六百文至一千文不等方吳文節公遺集

卷十二

四

組達李紹海李碧川均恐被人知覺卽將神牌燒燬又有李致美漆九如熊希亨三人先後經戴理釗誘令習教不從勸其茹素以爲將來復誘地步李致美等均各聽信戒葷旋經各府縣訪聞並准陝甘兩湖督<sub>臣</sub>咨會緝拏先經德化縣知縣濟昌南昌縣知縣慶雲將張尙延李紹海拏獲稟報經<sub>臣</sub>飭令再行嚴拏一面將現犯提省審辦嗣據德化等縣將方組達等拏獲並據李碧川自行投首分別稟報解省而戴理釗聞拏嚴緊逃赴安徽躲避經德化等縣兵役追至懷甯縣地方協同該縣兵役弋獲送縣查訊戴理釗慮恐范依果犯罪因知

周位掄亦曾習教遂捏供係周位掄之徒并匿不供出  
傳徒情事經安徽省據供咨查將犯解回飭委南昌府  
知府王藩提集解省各犯督同南昌縣知縣慶雲等研  
訊茲准陝西撫臣咨覆該省拏獲之周位掄並無供有  
收受戴理釗爲徒之事飭知該委員等審明定擬由司  
勘解前來臣親提研鞫據供前情不諱詰無妄佈邪言  
煽惑人心亦無另有拜師習教之人臣因戴理釗拜師  
習教復轉傳徒眾實屬罔知法紀其所供並未妄佈邪  
言煽惑人心殊不可信卽所收徒眾亦恐不止此數張  
尚延等據稱未經傳徒李致美等據稱僅止茹素亦難

吳文節公遺集

卷十一

五

保非狡供避就再四研詰該犯等堅供如前並據戴理  
釗供稱伊如有妄佈邪言情事現在被誘之方組達等  
均已到案何肯不行供出至此外如尚有傳過徒眾伊  
己身犯重罪無所顧慮亦不肯代爲隱匿致干熬審屢  
鞫不移案無遁飾檢閱起獲經卷道書亦僅係荒誕鄙  
俚之詞並無違悖不法語句查例載一切左道異端煽  
惑人民爲從者改發回城給大小伯克及力能管束之  
回子爲奴又各項教會名目雖未傳徒或曾供奉飄高  
老祖者發邊遠充軍各等語此案戴理釗聽信范依果  
誘說拜從爲師習學青蓮教輒因圖得功果錢文轉傳

徒眾雖未妄佈邪言煽惑人心究屬不法自應按律問擬除聽從傳佈邪言罪應擬斬之范臻卽范依果業據湖南省查明已經病故應毋庸議外戴理釗卽戴瀾亭應革去監生合依一切左道異端煽惑人民爲從者改發回城給大小伯克及力能管束之回子爲奴於左面刺清城給大小伯克及力能管束之回子爲奴於右面刺清漢左道惑人各四字右面刺清漢外遣各二字張尙延翁之瀾侯啟先聽從入教雖未傳徒但時常供奉無生老母牌位卽與供奉飄高老祖無異自應比例問擬張尙延翁之瀾侯啟先應請比依各項教會雖未傳徒或吳文節公遺集

卷十二

六

曾供奉飄高老祖者發邊遠充軍例發邊遠充軍李紹海李碧川方組達周得交張李氏僅止聽從入教並未供奉無生老母牌位亦未傳徒應請於一切左道異端煽惑人民爲從遣罪上量減一等杖一百徒三年李碧川係聞拏投首應照例再減一等杖九十徒二年半各犯事犯到官雖在道光二十五年五月二十四日清刑恩旨以前惟係習教匪犯定例遇

赦不赦應不准其援減內有年逾七十者亦不准其收贖張李氏係屬婦女難以拘役仍照律收贖餘俱解配折責安置李致美漆九如熊希亨被誘茹素均無拜師

習教情事應請各照不應重律杖八十事犯到官在  
恩旨以前所得杖罪均予援免交保嚴行管束戴理到  
所得功果錢文照追入官冊報仍飭追取部監各照另  
詳咨銷起獲經卷道書查無違悖語句案結銷燬其宜  
春縣另獲古魁連一犯業經解往湖南質訊應歸湖南  
省擬結該犯等習教茹素業經各該縣自行訪聞拏獲  
究辦失察職名應請免參除備錄供招咨部外合將審  
擬緣由恭摺具

奏伏乞

皇上聖鑒勅部核覆施行謹

吳文節公遺集

卷十二

七

奏道光二十五年十月二十五日奏奉

硃批刑部議奏欽此

暫停鼓鑄摺

奏爲藩庫存錢較多請暫停鼓鑄以俾疏通恭摺

奏祈

聖鑒事竊照江西省寶昌局鼓鑄錢文向設六爐前因  
錢價過賤經前撫

臣

奏請停鑄嗣於道光二十三年經

臣

欽遵

諭旨奏請減半開鑄三爐並將搭放成法量爲變通所  
有各營兵餉及額外外委未弁一律免搭其把總以上



武職養廉以八釐搭放文職養廉以一成二釐搭放仰蒙

俞允遵照辦理續因官紳士民捐輸河工經費錢文積存藩庫准戶部咨飭於文職道府以上武職提鎮等官各養廉內分成搭放其搭放之數仍不得過三成等因又經咨明戶部請將臣及司道各府暨九江贛州二鎮應支養廉內再以捐輸錢文三成搭放在案惟查藩庫收存前項捐輸錢文共有三十五萬二千八百餘串按現在以三成搭放道府以上及九贛二鎮養廉而計每年僅能搭放錢二萬九千餘串約十餘年方能搭竣久吳文節公遺集卷十二

八

存在庫不無貫朽之虞且按年扣銀報撥亦爲期較緩自須設法疏通而疏通之計惟有妥籌搭放查目下市換錢價有減無增不獨搭放鑄錢以錢一千作銀一兩所耗甚鉅卽捐輸錢文以一千五百文作銀一兩亦尙不敷市價在

奏明停搭之兵餉等項自不便輕議搭放惟向搭之養廉似可酌量變通因思現在文武養廉連佐雜及千把各員弁合計所搭鼓鑄錢文每年計共一萬八九千串若暫行停鑄亦以所收捐輸之錢於武職都守以上向搭八釐之外酌加二釐文職州縣以上向搭一成二釐

之外酌加八釐則每年共可搭放二萬八千串合之  
現在搭放道府以上及九贛二鎮之二萬九千餘串每  
年共可搭放五萬七八千串約六七年即可完竣其文  
職佐雜武職千把微末員弁並免搭放益足以示體恤  
第鼓鑄錢文每年應有餘息停鑄則餘息虛懸溯查以  
前六爐全鑄年分每年所得餘息自一千六百餘兩至  
三千數百餘兩不等內惟道光七年最多除閏月外計  
得餘息銀三千五百餘兩以現在減半三爐而計應得  
餘息銀一千七百餘兩今議請停鑄所有餘息應請卽  
以每年一千八百兩爲準遇閏再加銀一百五十兩由  
吳文節公遺集

卷十二

九

外按年公捐解司報撥抵補如此則庫貯錢文既可早  
爲疏通而鑄錢餘息亦不致虛懸據藩司費開綬會同  
臬司鹽道具詳請  
奏前來合無仰懇

天恩俯准將江西省寶昌局現在三爐鼓鑄錢文暫行  
停鑄所有文武職養廉應以鑄錢搭放者請以庫貯捐  
輸之錢分別搭放其搭放成數武職除千把總外前次  
奏明以八釐搭放者酌加二釐共以一成搭放文職除  
佐雜外以一成二釐搭放者酌加八釐共以二成搭放  
至文職道府以上及武職九贛二鎮本應搭放之三成

捐輸錢文亦仍照舊搭放統俟庫存捐輸之錢搭放完竣再行

奏請開鑄其搭放之錢仍照收捐之數以一千五百文作銀一兩所有停爐期內應得鑄錢餘息卽如該司道所議每年以銀一千八百兩爲準遇閏再加銀一百五十兩飭司籌議公捐按年解司報撥抵補至存局銅鉛各衙門充當水火夫役免致失業私鑄滋弊將來開鑄亦可隨時招回無虞另募周章是否有當理合恭摺具奏伏乞

吳文節公遺集

卷十二

十

皇上聖鑒訓示謹

奏道光二十五年十月二十五日奏奉

硃批戶部議奏欽此

審擬教匪摺

奏爲續經審明習教匪犯按例定擬恭摺奏祈

聖鑒事竊照江西省前獲傳習青蓮教匪徒戴理釗等

經臣審明分別問擬發遣軍徒恭摺具

奏業經接准部覆尙有宜春縣拏獲古魁連一名前因

所訊供詞與湖南省拏獲之胡持培口供不符亦經臣

奏明解歸湖南省質訊辦理在案嗣於本年正月間准

湖南撫臣咨覆提同胡培質明該犯古魁連實係在

湘潭縣地方拜從在逃之四川人郭建汶爲師習教等

因將古魁連解回審辦臣卽飭司委員確審擬辦去後

茲據委員南昌府知府王藩等審明議擬由臬司溫予

異勘解前來臣親提研訊緣古魁連籍隸宜春縣販布

營生與習學青蓮教在逃之四川人郭建汶卽郭明智

初不認識古魁連先曾因母病茹素道光二十四年十

二月間古魁連雇船販布至湖南湘潭縣地方發賣是

月初八日傍晚郭建汶至船買布時古魁連正在喫飯

郭建汶見其茹素當向查問古魁連告知情由郭建汶

吳文節公遺集 卷十二 十一

卽以茹素不如入教可以消災獲福卻病延年伊係青

蓮教內派令出外傳教之人如欲學習情願傳授之言

向古魁連勸誘古魁連聽信卽留郭建汶在船懇其傳

習是夜郭建汶於船戶等睡靜後寫立無生老母牌位

令古魁連禮拜畢教給坐功運氣道理囑令時常習鍊

所供牌位當時焚化並未傳授經咒古魁連亦未送給

錢物次日郭建汶稱欲搭坐古魁連船隻同至江西傳

徒古魁連應允郭建汶卽邀同古魁連至伊所寓之軒

轅殿廟屋內向屋主胡持培告知前情搬取行李下船

嗣古魁連因帳未收清在彼耽擱未經開船郭建汶復

向告稱伊現有要事須趕往漢口料理另行搭船而散  
古魁連旋亦回籍二十五年二月間郭建汝曾至古魁  
連家探望一次並向古魁連告說現欲回歸原籍四川  
而去旋經宜春縣將古魁連訪獲解省委審因供詞游  
移與湖南省所獲之胡持培口供不符解赴湖南質訊  
茲經湖南省提同胡持培質明解回飭發委員覆審定  
擬由司勘解前來臣親提研鞫據供前情不諱究止聽  
從入教並無念習經咒供奉牌位及轉傳徒眾造言煽  
惑情事熬審不移案無遁飾查例載一切左道異端煽  
惑人民爲從者改發回城給大小伯克及力能管束之  
吳文節公遺集 卷十二

三

回子爲奴等語此案古魁連聽從學習青蓮教雖訊無  
轉傳徒眾造言煽惑及供奉無生老母牌位情事究屬  
玩法自應酌量問擬古魁連應請於一切左道異端煽  
惑人民爲從遣罪上量減一等擬杖一百徒三年事犯  
到官雖在道光二十五年五月二十四日清刑

恩旨以前係習教匪犯不准減等照擬定地發配折責  
安置逸犯郭建汝嚴飭所屬並咨會四川等省飭屬一  
體偵緝獲日另結該犯古魁連係該地方官自行訪拏  
獲案失察職名應請免參除備錄供招咨部外理合將  
審擬緣由恭摺具

奏伏乞

皇上聖鑒敕部核覆施行謹

奏道光二十六年二月十五日奏奉

硃批刑部議奏欽此

吳文節公遺集

卷十一

三

和州縣志續編卷之二

續編卷之二十六平江府志續編卷之二

皇王聖鑒敕部核覆施行謹

奏伏乞

吳文節公遺集卷十三目錄

奏議

覆奏銀錢畫一章程摺

請將贛州府改爲調缺摺

覆奏訪查邪匪片

籌補缺漕摺

籌補京倉米石改由糧船灑帶摺

吳文節公遺集卷十三目錄

一

籌蘇京倉米石改由蘇州灑帶摺

籌蘇州倉米石改由蘇州灑帶摺

覆奏苗盜限額片

請將贛州府改爲調缺摺

覆奏賑災畫一章程摺

奏議

吳文節公遺集卷十三目錄

奏議

覆奏銀錢畫一章程摺

奏爲遵

旨核議覆

奏事竊

臣 接准戶部咨奉

上諭穆彰阿等奏遵旨會議御史劉良駒條奏銀錢畫一章程一摺銀錢並重本係制用常經果能隨時酌核不使輕重相懸裕國便民兩有神益未可輒稱窒礙不吳文節公遺集卷十三

一  
思設法變通著該督撫等各就地方情形詳細體察悉心妥議具奏務使法立可以推行不致滋弊毋得任聽屬員巧爲推諉稍存畏難苟安之見僅以一奏塞責欽此抄錄原奏咨行到臣伏思近年以來銀價日昂幾無底止自須急圖挽救誠如

聖諭未可輒稱窒礙不思設法變通是以臣於道光二十四年間卽思用錢代銀挽積重而裕財用奏請將各省一切留支款項收錢放錢以冀漸平銀價嗣經部議以各省留支之款出納總在一年銀非久貯錢亦卽流布民間恐於見多見少之意未必有效請先令江西試



行臣因細加體察留支之款收錢用錢旋納旋出實屬效難驟期且一省試行鄰省市儉販錢而來適足以昂銀價復經奏明毋庸試行在案茲准部咨議將各省留支並司庫每年留用之項由各該督撫悉心詳核分別收錢放錢並參酌前規以錢一千五百文准銀一兩奏奉

諭旨著各就地方情形詳細體察妥議具奏臣思設法變通欲使銀錢並重非先籌收錢不可而收錢之數必準乎放錢之數各省惟留支之項可以放錢而留支之項惟各營兵餉爲大宗次則文武官養廉查兵餉爲兵吳文節公遺集卷十三

二

丁口食之需江西現在各兵支領餉銀一兩市價可易錢一千九百餘文若以一千五百文准銀一兩放給折耗甚多易滋藉口誠如部示應毋庸議至江西文武各官養廉本有局鑄錢文搭放府道以上暨九江贛州二鎮上年又續請加搭捐輸錢文核計已在三四成以上亦難再行加搭祇可俟捐輸錢文搭放完竣再議按成易錢搭放此外則惟有州縣坐支之俸工役食等項數本不多江西各屬民間輸納錢糧大率多係以錢折納凡解司之項地方官不得不易銀批解而由縣坐支者既不需銀卽多係收錢放錢無可變更至於九江贛州

兩關所收稅課皆係應行解部及聽候撥解鄰省并留支兵餉之用均未可以錢代收臣職任封圻受恩深重事關裕

國便民如能設法變通於事有裨斷不敢畏難苟安今與藩司費開綏就江西現在情形悉心籌核留支項下兵餉既未便輕議放錢無從變通而各州縣自行坐支之俸工役食等款又本係收錢放錢若就此項議以變通仍屬紙上空言無裨實濟均毋庸議惟文武養廉現雖搭錢成數較多遽難加搭將來捐輸錢文搭放完竣則所搭僅止局錢爲數已少自可酌分成數用錢搭放吳文節公遺集卷十三

三

容臣隨時酌量另行

奏明辦理所有臣悉心核議緣由理合據實覆奏伏乞

皇上聖鑒訓示謹

奏道光二十六年六月十三日奏奉

硃批戶部知道欽此

請將贛州府改爲調缺摺

奏爲知府缺分繁多請援案改爲由外揀調以期人地得宜恭摺具

奏仰祈

聖鑒事竊照江西贛州府管理一廳八縣東界閩省南  
接粵壤向爲匪徒出沒之所兼之習俗獷悍健鬪之風  
甲於通省是以從前定爲衝繁疲難四字相兼要缺請  
旨簡放道光六年經前護撫臣嵩溥奏請由外揀員題  
調奉

旨交前督臣琦善撫臣韓文綺會議經該督等以該郡  
出缺均蒙

特旨簡放其才自可理繁治劇或人地不甚相宜亦可  
據實陳明請

旨定奪奏請毋庸更改奉

吳文節公遺集

卷十三

四

旨允准嗣於道光十年因新任知府何增元人地未宜  
經前督臣蔣攸銛會同前撫臣吳光悅具奏欽奉  
諭旨將何增元留省另補並以該缺素稱難治

特飭該督等詳悉籌商或於所屬各省知府內遴員調  
補或於江西省候補知府內熟悉情形者補授經督臣  
等遵選得試用知府汪云任會奏請補奉

旨准行是此缺難治之處久在

聖主洞鑒之中近來搶劫擄捉之案猶復層見疊出甚  
有結連鄰省匪徒倚眾恃強肆出擾民每須該府親往  
督捕查辦必得素悉民隱督率有方之員方可得力伏

思蒙

恩簡放人員才具自屬出色第地方實爲繁要情形驟難知悉若非在西年久駕輕就熟之員則措施一或失當卽於地方難資整頓因查各省知府請

旨之缺由外奏改題缺欽奉

特旨允准者有江蘇之淮安徐州兩府及河南之南陽府山東之曹州府其奏改題缺奉部議駁止准照省會首府之例改爲調缺者有福建之泉州府廣東之潮州府厯稽成案凡知府請

旨之缺卽不得仰邀

吳文節公遺集

卷十三

五

特旨遽改題缺亦經屢奉部議准改調缺今贛州府雖非海疆以地方情形而論處處與閩粵接壤匪徒出沒靡常實非尋常腹地可比合無仰懇

天恩准將贛州府員缺照省會首府之例改爲調缺其所遺之缺仍請

旨簡放以符定制如此量爲變通庶要缺可期得人而額缺仍無窒礙現在贛州府知府何維墀丁憂業經

臣

吳文鎔照例

題請開缺請

旨簡放如蒙

俞允所有贛州府一缺卽改由臣等於通省知府內遴  
員

奏請調補其所遺之缺卽以

簡放之員請補據藩臬兩司會詳請

奏前來謹合詞恭摺具

奏伏乞

皇上聖鑒訓示謹

奏道光二十六年八月初五日奏奉

硃批另有旨欽此

覆奏訪查邪匪片

吳文節公遺集

卷十三

六

再臣前准軍機大臣密寄道光二十六年六月十六日  
奉

上諭御史蘇學健奏訪聞不法匪徒術誑幼孩一摺據

稱此等匪徒起於浙江沿及江蘇等處於路上拋置食

物並於果餅鋪內售賣食物時暗中更換小兒食之卽

斃斃後潛取腦腎心肝流傳漸廣等語果如該御史所

奏邪匪爲害地方關係匪淺著各按摺內所指情形選

派員弁嚴密訪查務期有犯必獲並訊明此術起自何

人意欲何爲按律懲辦以除邪慝而衛民生等因欽此

嗣又接准軍機大臣字寄七月二十四日奉

上諭前有人奏近多匪徒迷毒幼孩一案當有旨令各該督撫飭屬嚴拏究辦矣朕思此等匪徒行蹤詭秘到官熬審受刑何肯供吐實情倘承審官畏難遷就且爲規避處分起見勢將使匪徒等倖逃法網著各該督撫務卽督飭所屬於拏獲到案之犯悉心研鞫不得意存消弭化大爲小以祛邪慝而靖地方等因欽此伏查臣於閏五月間風聞民間相傳有邪匪以藥術迷害幼孩之說當以所言雖荒渺無據未可輕信但事屬殘害民生若果實有此等邪匪斷不可不行拏究卽經密飭各地方官嚴密訪緝務期有犯必獲仍不得稍涉張惶驚

吳文節公遺集

卷十三

七

惑民心嗣兩次欽奉

諭旨復經欽遵諄飭各屬嚴密訪查去後頃據各屬稟覆均查無前項匪徒毒害之事並據臨川萬年鄱陽星子清江安福等縣稟報據鄉民獲送形跡可疑之黃連興黃紹義何魁羣謝輝九龔鳳吉劉廖氏等亦皆訊係賣藥貿易之人並無爲匪不法內龔鳳吉劉廖氏等二起因其供涉疑似復經臣提省委員復審根究來歷住址均屬明白並有原籍鄰族地保指證實非邪匪均經分別取保開釋現在浮言漸息臣仍飭屬鎮靜訪察勿

因事無實據致涉大意亦不得稍事張惶致滋波累以

仰副

聖主除害安良至意所有江西境內現在查無前項邪匪及辦理緣由臣謹附片覆

奏伏乞

聖鑒謹

奏道光二十六年九月二十一日奏奉

硃批知道了欽此

籌補缺漕摺

奏爲遵

旨籌補緩缺漕糧分別起解搭運緣由恭摺

吳文節公遺集

卷十三

八

奏祈

聖鑒事竊臣接准戶部咨以江西省徵收漕糧雖上屆

三年內有兩年全漕起運與江浙等省歲有短少不同

准本年起運數目究係比較上屆三年均屬有減無增

奏請

勅下迅卽設法補運等因奉

旨依議欽此欽遵轉行遵照去後茲據督糧道朱履會

同藩司費開綬署鹽法道劉熾昌籌議詳請具

奏前來臣查江西省本年起運道光二十六年正副漕

米比較二十三二十五全運之年固屬短少卽比較二

十四年分漕糧亦少運米六萬餘石緣上年夏秋缺雨  
收成歉薄經臣委員勘實奏懇

恩施緩徵今准部咨行令設法補運自應遵照辦理臣

與司道等再四熟籌現在江西地方因上年受旱較廣  
糧價已昂若動項採買深恐有妨民食且司庫亦多支

絀動碾常平倉穀亦恐買補稽延有關儲備查各官捐  
輸米石先經臣廣爲勸諭現已據陸續報捐米一萬餘

石業經派幫帶運因思出運軍船各丁應得食米向有  
贏餘除去貧疲船丁外計每船仍可收買二三十石約

可收買米一萬石於各丁口食尙有敷餘惟查收買軍  
吳文節公遺集

卷十三

九

船七成扣半等米每石例給價銀一兩九錢現在江西  
市價增昂若照案核給該丁等未免偏枯應請每石酌  
加一錢給銀二兩免其扣平亦毋須另給水腳較之採  
買市米另加運費者所省實多卽經飭據藩司籌動庫  
銀二萬兩移交糧道按數收買仍交各船帶運飭造冊  
結詳咨以上二項共可得米二萬餘石然爲數尙屬無  
多復查得鹽道所管鹽義倉穀本係臣衙門裁革鹽規  
充公項下奏明分年動支買穀存貯各府現計共存穀  
十二萬餘石除南贛兩府地方緊要仍須酌留外其餘  
可動碾穀八萬石計可得米四萬石以資補運將來無



庸動司庫之項買還既可節省

帑金而於本省民食倉儲仍無妨碍惟各幫軍船現已陸續開行勢難截留灑帶其減歇軍船既修艙需時而舵水等久已星散亦驟難招集恐誤跟幫渡黃之期應卽另籌起運查江蘇省現在推廣捐米事例籌辦海運此項米解往搭運事屬便易現已飭令鹽道飛飭各府將鹽義倉穀核數動碾另由臣遴委委員分投雇募民船押運赴蘇解交上海道驗收兌給海船搭運其由西運蘇水腳卽按照程站給發至海運腳價應俟蘇省核定知照後由江西籌款解往將來卽與收買旗丁米價吳文節公遺集卷十二

十

一併作正開銷除分飭各司道遵照並咨商江蘇督撫臣檄飭上海道預爲雇募商船俟西省米石解到卽可兌交搭運北上外所有設法籌補米石及分別起解搭運緣由理合恭摺具

奏伏乞

皇上聖鑒訓示謹

奏道光二十七年二月十五日奏奉

硃批戶部知道欽此

籌補京倉米石改由糧船灑帶摺

奏爲籌補京倉米石不敷原奏之數並改由糧船灑帶

北上以歸簡便而節費用恭摺

奏祈

聖鑒事竊照江西省起運新漕比較上三屆有減無增

經臣遵

旨籌補除各官捐輸及收買幫丁餘米共二萬餘石派幫搭運外擬再動碾鹽義倉穀八萬石計可得米四萬石因各幫軍船業已陸續開行請運赴江蘇上海另雇海船兌運北上緣由當經

奏奉

硃批戶部知道欽此查先據南康九江二府暨南昌新

吳文節公遺集

卷十三

十一

建二縣稟報將存貯鹽義倉穀儘數動碾共得米三萬三千石其南贛二府倉穀本擬各酌碾數千石湊用適自二月下旬以來久晴不雨早秧尚未插齊糧價日增臣酌核目前情形南贛地方緊要未敢拘泥原奏致缺儲備是以只就現報米數飭令起運所有較原奏少米七千石係因時酌量存留南贛倉穀未經動碾至海運章程現在尙未准江蘇督撫臣咨照而本省糧船因前值雨少灘多節磨淺甫報渡湖尙未出境若將此項米石雇船趕赴江蘇儀徵縣老虎頭一帶地方乘糧船起卸幫木暫泊之時卽行兌交搭運赴通甚爲簡便當

經飭據糧道查稟本年起運軍船五百十五隻以三萬三千石米核計每船約加裝米六十餘石尙不致形笨重惟幫丁將來過關起剝費用在所不免應請每石酌給耗米折銀二錢水腳銀三錢五分庶免幫丁藉口賠累致有貽誤臣查係實在情形且較之另雇海船搭運者所省已多臣現已飭令藩司分起委員將前項米石裝運趕赴下游交糧船帶運北上並酌動庫項將腳耗發給事竣核實報銷除咨明江蘇督撫臣漕運總督倉場侍郎暨戶部查照外所有起運米石不敷原奏之數並改由糧船搭運緣由理合恭摺具

吳文節公遺集

卷十三

十三

奏伏乞

皇上聖鑒再各處樣米均經臣抽調查驗一律乾潔惟各倉貯穀久暫不等顏色未能畫一合並陳明謹奏道光二十七年三月二十七日奏奉

硃批戶部知道欽此

